

Модернизация дырйи став велөдан модельсö лөсьöдöма федеральной канму велөдан стандарт (ФГОС) вылө подуласьöмөн. Сы серти велөдысьлы колö кужöмөн да колана ногөн уджавны.

Тайö нормативной документьясыс (велөдан стандартыс да профстандартыс) петкөдлөны уджнымлысь сюрөссö. И тани, дерт жö, зэв тöдчана абу сöмын сийö, мыйö челядыс велалöны велөдчигөн, но и сийö, кызди найöс велөдöны.

Бернард Шоу гижлис: «Удж – тайö тöдöмлунлань дзик öти туй». Но кутшöм тайö уджыс? Öнiя кага öти здукөн ысталö зэв уна смс-сообщение, збоя да повтöг вешталö планшетын объектьяс. Тайö кадö сылөн уджалö и юр, и пель, и син, и ки. Татшöм-ö зиль кагаыс школаын урок дырйи?

Ме пунктi ас водзö **мог**: корсьны, лөсьöдны да апробируйтны сэтшöм велөданногьяс да педагогика технологияс, мый отсöгөн лö поэянлун бурмöдны велөдан уджсö.

Велөдысьяслы тöдса татшöм велөдан приём, кызди ворсöм. Сы пыр урок дырйи позьö ышöдны челядысö зiля уджавны, уськөдны тöд вылө велөдöмасö, нуöдны уроксö кыпыда да гажаа.

Но талун велөдчысьяслы колö сетны тöдöмлунсö сэтшöм ногөн, медым налы вöли окота пыдiсянджык да тырвийöджык пырöдчыны велөданторйö, медым найö водзмöстчисны да кужисны уджавны ас кежысь.

Та могысь урокьяссö колö нуöдны сэтшöм технологияс да приёмьяс отсöгөн, кор быд велөдчысь кутас сьölöмсяныыс пырöдчыны уджö да кывкутны сыысь, кутас бурмöдны тöдöмлунсö. Татшöм технологияс пиысь öтиөн лö ТРИЗ – изобретательской могьяс решитан теория. ТРИЗ приёмьяс отсöгөн урокьяс дырйи оз велөдысьыс велөд, а челядыс асьныс велөдчöны уджавны ас кежысь, тöдмалöны выльторьяс.

ТРИЗ йылысь теориясö лөсьöдiсны Генрих Саулович Альтшуллер, Алла Александровна Нестеренко, Анатолий Александрович Гин, Николай Николаевич Хоменко. Окота пасйыны: Велөдöм сöвмөдан институтса преподавательяс нуöдöны семинарьяс, медым велөдысьяс вöдитчисны тайö приёмьяснас асланыс уджас.

Велөдчысьяслысь вежöрнысö сöвмөдöмын да коми кыв урокьяс дырйи школьникьяслы окотапырысьджык уджö пырöдчöмын бура отсалöны ТРИЗ технологиялөн татшöм приёмьяс: *морфологической копилка, дихотомия (мöд ногөн кө, корсьысян поле векньöдöм), «лөсьöд паспорт», сёрниөн лөсьöдöм творческой прöдуктьяс (лимерикьяс, нöдкывьяс, метафораяс, сернас серти творческой сочинениеяс), «рюкзак» – астьö доньялан приём.*

Коми кыв урокьяс дырйи ТРИЗ технологиялөн приёмьясыс отсалöны сöвмөдны велөдöмын этнокультурной нырвизьсö.

Паськыдджыка вöзья тöдмасьны ТРИЗ методикалөн татшöм элементөн, кызди «Лөсьöд паспорт» либö ЭИЗ модель. Тайö зэв

аслыспөлӧс приём, мый отсӧгӧн торъя план серти велӧдан предметлы сетӧны ӧтувъя характеристика.

«Лӧсьӧд паспорт» модель велӧдӧ школьникъясӧс:

1. Сетны юалӧмъяс;
2. Артмӧдны понятиеяс да гӧгӧрвоны найӧс;
3. Тэчасавны да ладмӧдны материалсӧ;
4. Вӧчны ӧтувъя кывкӧртӧдъяс.

Элементъясӧн ми шуам ставсӧ, мый видлалам, велӧдам. Велӧданторйӧн вермас лоны объект, процесс.

Признакъяслӧн нимъяс – элементъяслӧн характеристика нимъяс, сийӧс гӧгӧрвоӧдан параметръяс.

Кызди век овлӧ, медым тӧдмавны признаклысь нимсӧ, ми сетам юалӧм. Таблицаын позьӧ бура опишитны объектсӧ да лӧсьӧдны сылысь аслыспӧлӧс паспорт.

ТРИЗ технологиялӧн тайӧ сӧмын ӧти приём, но и ӧнӧ нин позьӧ шуны, мый велӧдыслӧн уджын тайӧ зэв колана да тӧдчана нырвизь. Тайӧ технологияыс отсалӧ ичӧт класса велӧдчысьяслы бурджыка сёрнитны да гижны, стӧча висьтавны ассыныс мӧвпъяссӧ.

Коми кыв урокъяс дырйи ТРИЗ технологиялӧн элементъясӧн вӧдитчигӧн позьӧ казавны, мый челядыс уджалӧны бура, оз повны лӧсявтӧм вочакывйысь, сы вӧсна мый сийӧ оз вермы лоны. Татшӧм уджӧ пырӧдчӧны весиг омӧля велалысь да чӧла пукалысь велӧдчысьяс.

Сийӧ кадсянныс, корсянь ме вӧдитча «Лӧсьӧд паспорт» приёмӧн, челядыс окотапырысьджык кутисны велӧдчыны да бурмис налӧн тӧдӧмлунныс.